



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-1/21-3-40-544-6/25**
Datum: **27.03.2026. godine**

«Agencija za vodno područje rijeke Save» Sarajevo rješavajući po zahtjevu Vidović (Ivo) Slavka vl. samouslužne autopraonice «PAŠO» za donošenje Rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekta samouslužne autopraonice izgrađenog u naselju Ponijevo, općina Žepče, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Vidović (Ivo) Slavku, vl. samouslužne autopraonice «PAŠO», daje se vodna dozvola za ispuštanje tehnoloških otpadnih voda u prirodni recipijent sa lokacije objekta samouslužne autopraonice izgrađenog u naselju Ponijevo, na zemljištu označenom kao k.č. broj: 64/2 K.O. Ponijevo, općina Žepče.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole obezbjeđuje da se tehnološke otpadne vode nastale pranjem vozila na samouslužnoj autopraonici nesmetano sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju u Slatinsku rijeku.
 - 2.3. Prečišćene otpadne vode prije ispuštanja u recipijent moraju ostati u maksimalno dopuštenim granicama definisanim članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.4. Objekte čija je svrha odvođenje i prečišćavanje tehnoloških otpadnih voda (separator ulja i masti, slivničke rešetke sa pjeskolovom, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.
 - 2.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 2.6. Talog iz separatora se ne smije ni privremeno odlagati na česticu «vodno dobro», odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o

načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja voda, tačka 13. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane Vidović (Ivo) Slavka iz Žepča, vl. samouslužne autopraonice «PAŠO», podnesen je ovaj Agenciji dana 30.12.2025. godine zahtjev za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekta samouslužne autopraonice, izgrađenog u naselju Ponijevo na zemljištu označenom kao k.č. broj: 64/2 K.O. Ponijevo, općina Žepče, a u postupku ishodovanja odobrenja za upotrebu.

Uz zahtjev nije dostavljena dokumentacija koja je propisana članom 12. stav (3) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-3-40-544-2/25 od 04.03.2026. godine zatraženo od podnosioca zahtjeva da istu dopuni, što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija lične karte Vidović (Ivo) Slavka,
- Ovjerena kopija Uvjerenja o registraciji poreznog obveznika izdatog dana 30.09.2025. godine od strane Porezne uprave Federacije BiH – Kantonalni porezni ured Zenica,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-28-5-14541/25 izdatog dana 04.11.2025. godine od strane Službe za statistiku za područje Zeničko-dobojskog kantona,
- Ovjerena kopija Rješenja o odobrenju obavljanja djelatnosti UPI-broj: 04-17-2-1627/2025 izdatog dana 19.08.2025. godine od strane Službe za gospodarstvo i finansije Općina Žepče,
- Punomoć zastupnika podnosioca zahtjeva od 18.02.2026. godine,
- Saglasnost broj: 05/25 za odobrenje korištenja vode iz Mjesnog vodovoda Novi Šeher izdata dana 09.05.2025. godine od strane predsjednika skupštine UG Mjesni vodovod Novi Šeher,
- Kopija Rješenja o urbanističkoj saglasnosti UP-I-broj: 03-19-1-2113/2025 izdatog dana 02.06.2025. godine od strane Službe za graditeljstvo i prostorno uređenje Općina Žepče,
- Kopija Rješenja o odobrenju gradnje UP-I-broj: 03-19-2-1329/2025 izdatog dana 09.07.2025. godine od strane Službe za graditeljstvo i prostorno uređenje Općina Žepče,
- Kopija Zapisnika broj: 14-21-4-06709/2025-14-7-P urađenog dana 23.12.2025. godine od strane Federalne uprave za inspeksijske poslove – Vodni inspektorat,

- Kopija Rješenja broj: 14-21-4-06709/2025-14-8 izdatog dana 25.12.2025. godine od strane Federalne uprave za inspeksijske poslove – Vodni inspektorat,
- Zapisnik povjerenstva za obavljanje tehničkog pregleda izvedenih radova na poslovnom objektu Samouslužna autopraonica u naselju Ponijevo, općina Žepče investitora Vidović Slavko potpisan dana 23.03.2026. godine od strane svih članova imenovanih Rješenjem UP-I-broj:03-19-5-209/2026 izdatim dana 16.03.2026. godine od strane Službe za graditeljstvo i prostorno uređenje Općina Žepče,
- Glavni projekat samouslužne autopraonice broj: VS-2024, juli 2025. godine, urađen od strane «MOSANA» d.o.o. Žepče (na uvid),
- Kopija Ugovora o čišćenju separatora ulja i masti broj: 0590/26-DS zaključenog dana 06.03.2026. godine sa «DELTA PETROL» d.o.o. Kakanj,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta u naselju Ponijevo, općina Žepče i tom prilikom je sačinjen Zapisnik o uviđaju broj: UP-1/21-3-40-544-4/25 od 05.03.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetna samouslužna autopraonica je izgrađena u naselju Ponijevo, općina Žepče uz regionalnu saobraćajnicu R 474 (Perković – Novi Šeher – Tešanj). Samouslužna autopraonica se sastoji od tri boksa za pranje vozila (dva natkrivena), nadstrešnice, upravljačke sobe, saobraćajnih i parking površina.
- Snabdijevanje vodom za potrebe pranja vozila je obezbijeđeno priključkom na Mjesni vodovodni sistem Novi Šeher.
- Za predmetni objekat nisu ranije ishodovani vodni akti od ove Agencije.
- Tehnološke otpadne vode nastale pranjem vozila se prikupljaju sistemom betonskih kanala sa rešetkom te zajedno sa oborinskim vodama sa pripadajućih saobraćajnih i parking površina kanalizacionim sistemom odvođe na tretman u separator masti i ulja sa koalescentnim filterom kapaciteta 4,0 l/s. Preliv iz separatora je u Slatinsku rijeku sa krajnjim ispuštom u rijeku Liješnicu.
- Saobraćajne i parking površine su završno obrađene asfaltom odnosno betonom, sa padovima prema slivnoj rešetki.
- Sa firmom «DELTA PETROL» d.o.o. Kakanj zaključen ugovor o čišćenju separatora.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva, Vidović (Ivo) Slavko ispunio minimum uslova za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta objekta samouslužne autopraonice «PAŠO» izgrađene u naselju Ponijevo, općina Žepče, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-544-3/25 od 04.03.2026. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Nermina Hodžić, dipl.inž.građ.

Po ovlaštenju:

Rukovodilac sektora za izdavanje vodnih akata



Nihad Pezo

Nihad Pezo, dipl.inž.građ.

Agencija za vodno područje rijeke Sava

Dostaviti:

- ☐ Vidović (Ivo) Slavko
- ☐ Poñijevo bb, 72230 Žepče
- ☑ AVP Sava, ISV-vodna knjiga
 - sektor 50
 - sektor 40 – arhiva
 - oglasna ploča – AVP Sava